

# INUIT ATAQATIGIIT INATSISARTUNI



19. oktobari 2022

Inatsisartut Suleriaasianni § 37 naapertorlugu Naalackersuisunut apeqquq  
imaattoq matumuuna saqqummiuppara.

## **Naalackersuisunut apeqquq:**

- 1. Qasigianguani nakorsamik kingutillu nakorsaanik  
atorfinititsiniarneq sumut killippa?**
- 2. Sooruna Qasigianguani ukiorpassuit nakorsamik aamma  
kingutip nakorsaanik atorfinititsiniarneq taama ajornartigisoq?**
- 3. Sooruna aasaq manna nakorsaqarniarneq ajornartigisoq?**
- 4. Aasianni ernisarfiup ammarnissaa qaqugu  
naatsorsuutigineqarpa?**

## **Tunngavilersuut:**

Aattaat Qasigianguani nakorsaqarniarnerput taama ajortingivoq , aasaq  
tamak-kingajalluinnarpaa nakorsaqarani, ajorluinnartumik kinguneqar-poq  
aammalu toqqissisimanginnermik kinguneqarluni.

Ukiut amerlavallaalerput nakorsamik kingutillu nakorsaanik atorfinititsiniarluni  
Naalackersuisut nikittaattut suliaqarnerat, massakut suleriaaseq ajorsimappat  
taava suleriaatsit allanngortariaqarpoq. Taamaammat paaserusuppara  
atorfinititsiniarneq sumut killinnersoq.

Paaserusunnarpoq sooq taamak Qasigianguani nakorsaqarniarneq ajornarti-  
nginersoq.

Aasianni ernisarfiup ammarnissaa pisariaqarluinnaraluarluni  
matuneqarnikuuvoq, kingornalu qaqugu ammarnissaa pilersaaruteqartoqarani.  
Pisaria-qarpoq Aasianni ernisarfiup qaqugu ammarnissaa siunniunnissaa.

# INUIT ATAQATIGIIT INATSIARTUNI



Neriuppunga apequtikka ullut suliffiusut qulit qaangiutsinnangit akineqassasut.